

Et aculo non exquisitissimos tantum, sed & levioris
armaturæ milites introducendos: ut si nō magnam
spectatori, quam sperat, lucem adferant, discrimini
tamen sint doctiorum: ac velut pictores lucem ad-
umbraturi, post candorem summum profundissi-
mas nigredines locant, ut harum obscuritas, lumi-
nis claritatem magis protrudat: ita viliorum au-
thorum lectio ad præstantiorum amplexum legen-
tes magis excitat: lecta magis illustrat: illustrata
magis imprimi, impressa deniq; justo ore, more, &
honore veneratur.

Uti sumus in hujus compilatione studio & opera
Jsaaci Habrechtii, Phil. & Med. Doctōris, Chi-
miæq; studiosissimi: qui simul pollicitus est, se brevi
integrum nobis volumen ex meris manuscriptis,
& nusquam vulgatis, præstantissimis authoribus
chimicis communicaturum: dum modò viderit
hos labores suos Chimiatriis haud displicuisse.

Valeat, vigeat, vireatq; Lectōr benevolus: Nos
sibi commendatos habeat: ac levidensia hinc inde
omissa & commissa errata, æquo animo ferat.
Scriptum Argentinae, Nonis Januarijs, Aere
Christiana, 1622.

LAZAR. ZETZNERI
Hæredes.

(*) 3

ELEN